

Broj: 02-215/22.

Sarajevo, 19.01.2022. godine

Na osnovu člana 136. Zakona o visokom obrazovanju ("Službene novine Kantona Sarajevo", br. 33/17, 35/20, 40/20 i 39/21), člana 108. Statuta Univerziteta u Sarajevu (broj: 01-1093-3-1/18 od 28.11.2018. godine), Naredbe kriznog štaba Federalnog ministarstva zdravstva (broj: 01-33-5708/20 od 15.10.2020. godine) i Naredbe Kriznog štaba Federalnog ministarstva zdravstva ("Službene novine Federacije BiH", broj: 4/22), dekan Univerziteta u Sarajevu - Elektrotehničkog fakulteta, donosi

**KRIZNI PLAN PRIPRAVNOSTI I ODGOVORA  
U OKOLNOSTIMA POGORŠANE EPIDEMIOLOŠKE SITUACIJE  
UZROKOVANE PANDEMIJOM NOVIM KORONAVIRUSOM COVID-19  
Univerziteta u Sarajevu - Elektrotehničkog fakulteta**

**I - Cilj donošenja**

1. Kriznim planom pripravnosti i odgovora u okolnostima pogoršane epidemiološke situacije uzrokovane pandemijom novim koronavirusom covid-19 (u daljem tekstu: plan), utvrđuju se mjere koje se na Univerziteta u Sarajevu - Elektrotehničkom fakultetu preduzimaju u kontekstu borbe u skladu s procjenom rizika događaja koji mogu dovesti do pogoršanja epidemiološke situacije, kao i na osnovu aktuelne epidemiološke situacije koja se bazira na sedmičnoj incidenciji zaraženih, broju hospitaliziranih pacijenata, broju pacijenata koji koriste respiratornu podršku i raspoloživosti svih resursa u zdravstvu, a vodeći računa o mjerama koje putem naredbi i preporuka donose nadležni krizni štabovi ministarstava zdravstva i drugi organi vlasti, s ciljem smanjivanja rizika od covid-19 i zaštite ličnog zdravlja, te podizanjem i promoviranjem svijesti zaposlenika, studenata i angažiranih osoba kako bi se zaraza sporije širila i minimizirale njene posljedice.
2. Kako bi se osiguralo neometano odvijanje poslova iz osnovne djelatnosti Univerziteta u Sarajevu - Elektrotehničkog fakulteta, neophodno je organizaciju rada usaglasiti sa trenutnom pogoršanom epidemiološkom situacijom u Federaciji Bosne i Hercegovine i Kantonu Sarajevo, te je iz tog razloga u naprijed navedenim okolnostima nužan maksimalan doprinos svih zaposlenika i studenata Univerziteta u Sarajevu - Elektrotehničkog fakulteta u izvršavanju poslova i zadataka.

**II - Opće upute o organizaciji rada u okolnostima  
pogoršane epidemiološke situacije**

1. Dozvoljeno je okupljanje u prostorijama koje koristi Univerzitet u Sarajevu - Elektrotehnički fakultet, na sljedeći način:
  - a. ne više od 30 osoba u zatvorenom prostoru (objekat);
  - b. ne više od 100 osoba na otvorenom prostoru (parking prostor ispred objekta).

2. Sva okupljanja unutar navedenih ograničenja moraju se odvijati u prostoru koji omogućuje obavezni fizički razmak od najmanje dva metra između osoba (osim članova istog domaćinstva).
3. Izuzetno od tačke 1, dopušta se organiziranje i većih okupljanja, do maksimalno 60 osoba u zatvorenom i 200 osoba na otvorenom prostoru, pod uvjetom da veličina prostora omogućava provođenje higijensko-epidemioloških mjera, da svi učesnici skupa imaju: negativan antigenski test ne stariji od 24 sata ili PCR test ne stariji od 48 sati ili potvrdu o prebolovanom covid-19 ne stariju od četiri mjeseca ili potvrdu o završenoj vakcinaciji (ne stariju od šest mjeseci nakon druge doze vakcine, odnosno devet mjeseci nakon treće doze vakcine), te uz prethodnu saglasnost nadležnog kriznog štaba kantonalnog ministarstva zdravstva.
4. S ciljem smanjivanja rizika od covid-19, kao i zaštite ličnog zdravlja, za vrijeme okupljanja potrebno je obavezno pridržavanje preporuka koje su donijeli zavodi za javno zdravstvo u Federaciji BiH (higijensko-epidemioloških mjera). Zaposlenici sa zdravstvenim simptomima koji ukazuju na bolest covid-19, dužni su ostati kod kuće, kontaktirati nadležne zdravstvene službe, te o naprijed navedenim okolnostima obavijestiti porukom elektronske pošte i/ili telefonskim putem dekana Univerziteta u Sarajevu - Elektrotehničkog fakulteta.
5. Ukoliko su bili u kontaktu sa osobom oboljelom od koronavirusa covid-19, dužni su odmah obavijestiti nadležnu zdravstvenu službu.
6. Zaposlenici kojima je propisana obavezna kućna izolacija, dužni su poštovati naloženu mjeru.

### **III - Obavezne preventivne epidemiološke mjere**

1. Svi zaposlenici i studenti Univerziteta u Sarajevu - Elektrotehničkog fakulteta dužni su pridržavati se propisanih higijensko-epidemioloških mjera propisanih od nadležnih institucija, a koje podrazumijevaju stalno nošenje zaštitnih maski preko usta i nosa za zaštitu respiratornog sistema u zatvorenom prostoru i korištenje sredstava za dezinfekciju ruku. Nalaže se obavezno nošenje zaštitne maske i na otvorenom prostoru, ako se ne može ostvariti fizička distanca od dva metra.
2. Mjere fizičke distance od minimalno dva metra i nošenje zaštitnih maski se primjenjuju u svim kancelarijama na Univerziteta u Sarajevu - Elektrotehničkom fakultetu, uz moguć izuzetak koji opravdava odsustvo svakog bliskog kontakta (zaposlenik sam u prostoriji).
3. Na ulazu u zgradu zaposlenici i studenti Univerziteta u Sarajevu - Elektrotehničkog fakulteta, obavezni su pristupiti mjerenju tjelesne temperature i potpisivanju odgovarajućih izjava.
4. Prilikom ulaska u zgradu Univerziteta u Sarajevu - Elektrotehničkog fakulteta, obavezno je izvršiti dezinfekciju ruku na postavljenim dispanzerima i preći preko dezbarijere za dezinfekciju obuće.
5. Osobe koje ne pripadaju kategoriji zaposlenika i studenata Univerziteta u Sarajevu - Elektrotehničkog fakulteta, mogu pristupiti prostorijama Elektrotehničkog fakulteta, isključivo ukoliko su prethodno najavljene, što bez izuzetka, za svakog posjetioca provjerava zaposlenik na portirnici.
6. Prostorije u kojima borave zaposlenici Univerziteta u Sarajevu - Elektrotehničkog fakulteta, obavezno se i čiste i provjetravaju svaki dan, odnosno više puta u toku radnog dana.
7. Sve površine s kojima se dolazi u kontakt obavezno se svakodnevno dezinficiraju prilikom čišćenja prostorija.

#### **IV – Smjernice za organiziranje nastave i drugi oblici rada sa studentima, drugi poslovi iz osnovne djelatnosti**

1. Nastavne aktivnosti (predavanja, tutorijali, laboratorijske vježbe, konsultacije) će se održavati u online režimu rada, ili izuzetno uživo gdje to specifičnosti nastavnog procesa zahtijevaju, uz striktno i kontinuirano pridržavanje higijensko-epidemioloških mjera za prevenciju covid-19. Nastavno osoblje je obavezno u potpunosti realizirati utvrđeni plan rada na nastavnom predmetu na kojem je angažirano i u online režimu rada.
2. U slučaju da se online nastava održava iz prostorija, neophodno je voditi računa da se zadržavanje u prostorijama Univerziteta u Sarajevu - Elektrotehničkog fakulteta nakon okončane nastave smanji na minimum.
3. Praktične vježbe koje zahtijevaju fizičko prisustvo i isključivo rad u laboratoriji se realiziraju uz striktno i kontinuirano pridržavanje higijensko-epidemioloških mjera za prevenciju covid-19, vodeći računa o prostornim kapacitetima i minimalnoj prostornoj distanci između studenata.
4. Prilikom organizacije svih aktivnosti koje spadaju u osnovnu djelatnost Univerziteta u Sarajevu - Elektrotehničkog fakulteta (konkursne procedure – predaja dokumentacije, odbrane doktorskih, magistarskih i završnih radova, procedure javnih nabavki i slično), maksimalni broj učesnika (uključujući članove komisije i zapisničara/sekretara komisije) je osam.
5. Odbrane završnih radova, magistarskih i doktorskih radova mogu se organizirati online ili u prostorijama Univerziteta u Sarajevu - Elektrotehničkog fakulteta.
6. Prije i poslije održavanja odbrane završnih radova, magistarskih i doktorskih radova u prostorijama Univerziteta u Sarajevu - Elektrotehničkog fakulteta, prostorija se obavezno čisti, provjetrava, a dodirne površine sa kojima sudionici dolaze u kontakt dezinficiraju.
7. Nošenje zaštitnih maski prilikom aktivnosti iz tač. 4. i 6. je obavezno za sve učesnike tokom čitavog perioda trajanja aktivnosti i boravka u prostorijama Univerziteta u Sarajevu - Elektrotehničkog fakulteta, a nepridržavanje propisnog nošenja maske od strane učesnika povlači njihovo trenutno udaljavanje.
8. Svi učesnici u aktivnostima iz tač. 4. i 6. dužni su održavati propisanu fizičku distancu od najmanje dva metra.
9. Zahtjevi za potvrde i uvjerenja, studenti podnose Službi za nastavu putem poruke elektronske pošte na e-mail adresu [studentska@etf.unsa.ba](mailto:studentska@etf.unsa.ba).

#### **V - Rad vijeća i drugih tijela Univerziteta u Sarajevu - Elektrotehničkog fakulteta i podorganizacionih jedinica**

1. Sjednice Vijeća Univerziteta u Sarajevu - Elektrotehničkog fakulteta zbog broja učesnika i članova Vijeća Univerziteta u Sarajevu - Elektrotehničkog fakulteta, odvijaju se elektronskim putem.
2. Sjednice Vijeća dokorskog studija odvijaju se elektronskim putem i/ili uživo, uz propisanu fizičku distancu i obavezno nošenje zaštitne maske tokom čitavog perioda trajanja sjednice.
3. Sjednice vijeća podorganizacionih jedinica/vijeća odsjeka odvijaju se elektronskim putem i/ili uživo, uz propisanu fizičku distancu i obavezno nošenje zaštitne maske tokom čitavog perioda trajanja sjednice.

4. Sjednice Kolegija Elektrotehničkog fakulteta u Sarajevu (dekan, prodekani, šefovi odsjeka i sekretar) odvijaju se elektronskim putem i/ili uživo, uz propisanu fizičku distancu i obavezno nošenje zaštitne maske tokom čitavog perioda trajanja sjednice.
5. Drugi radni sastanci (komisije i radne grupe) se primarno održavaju online, putem telefonske ili elektronske komunikacije i/ili uživo uz propisanu fizičku distancu i obavezno nošenje zaštitne maske tokom čitavog perioda trajanja sjednice.

## **VI – Organizacija rada i radno vrijeme**

1. Radno vrijeme zaposlenih na Univerziteta u Sarajevu - Elektrotehničkom fakultetu može se po potrebi skratiti (raniji početak i raniji završetak), odnosno izmijeniti, što će se regulirati donošenjem odgovarajućih odluka i označiti na ulaznim vratima.
2. Na osnovu ovog plana, utvrdit će se primjereni vremenski intervali dolazaka i odlazaka zaposlenika na posao i s posla, a kako bi se izbjeglo stvaranje gužvi u javnom gradskom prevozu, gužve prilikom ulaska i izlaska u/iz radnih prostorija Univerziteta u Sarajevu - Elektrotehničkog fakulteta i smanjio broj stalno prisutnih zaposlenika u prostorijama Univerziteta u Sarajevu - Elektrotehničkog fakulteta, saglasno naredbama Kriznih štabova.
3. Svi oblici rada stručnih službi, u kojima istovremeno sudjeluje više osoba, a gdje to zahtijeva organizacija i dinamika poslova, po potrebi će se provoditi i organizirati u turnusima (u trajanju od jedne do dvije radne sedmice) ili u drugim, sličnim oblicima organizacije rada gdje je to zbog organizacije poslova moguće realizirati, a kako bi se omogućilo da minimalan broj zaposlenika stručnih službi (po mogućnosti jedan) boravi na istom mjestu, odnosno u istoj prostoriji (kancelariji) u isto vrijeme.
4. Rad ostalih zaposlenika stručnih službi može se organizirati po potrebi u smjenama, o čemu će isti biti blagovremeno obaviješteni i raspoređeni u skladu sa sačinjenim rasporedom rada.
5. U slučaju pojave pozitivnih slučajeva zaraze kronavirusom covid-19 zaposlenika Univerziteta u Sarajevu - Elektrotehničkog fakulteta ili potrebe za samoizolacijom po preporukama nadležnih epidemioloških službi, dekan Univerziteta u Sarajevu - Elektrotehničkog fakulteta može za radna mjesta, čija priroda ne omogućava obavljanje radnih poslova i zadataka u online režimu rada, izvršiti privremenu preraspodjelu zaposlenika, dok naprijed navedene okolnosti traju, a kako bi se osigurao nesmetan i kontinuiran rad i funkcioniranje stručnih službi.
6. U slučaju rada od kuće, zaposlenici su obavezni biti dostupni putem službene e-mail adrese, kao i putem kontakt telefona, svakog radnog dana u punom radnom vremenu (u periodu od 8:00 do 16:00 sati).

## **VII – Nadzor nad provođenjem plana**

1. Nadzor nad provođenjem plana vrši Tim Univerziteta u Sarajevu - Elektrotehničkog fakulteta za preduzimanje neophodnih aktivnosti u vezi sa sprečavanjem širenja koronavirusa covid-19 u prostorijama Univerziteta u Sarajevu - Elektrotehničkog fakulteta.
2. Tim čine dekan, prodekan za naučnoistraživački rad i međunarodnu saradnju i prodekan za nastavu i osiguranje kvaliteta Univerziteta u Sarajevu - Elektrotehničkog fakulteta.

### VIII - Završne odredbe

1. Primjenjive preporuke nadležnih institucija odnose se i na Univerziteta u Sarajevu - Elektrotehnički fakultet i njegove zaposlenike.
2. Za postupanje po ovom planu i za njegovu implementaciju odgovorni su svi zaposlenici Univerziteta u Sarajevu - Elektrotehničkog fakulteta, ako iz pojedinih mjera ne proizilazi odgovornost samo njihovih aktera.
3. Prijave nepoštivanja propisanih mjera utvrđenih ovim planom, zaposlenici Univerziteta u Sarajevu - Elektrotehničkog fakulteta mogu dostaviti Timu Univerziteta u Sarajevu - Elektrotehničkog fakulteta za preduzimanje neophodnih aktivnosti u vezi sa sprečavanjem širenja novog koronavirusa covid-19.
4. Nepridržavanje mjera propisanih ovim planom od strane zaposlenika i studenata Univerziteta u Sarajevu - Elektrotehničkog fakulteta predstavlja kršenje Zakona o zaštiti stanovništva od zaraznih bolesti.
5. Ovaj plan primjenjuje se od dana njegovog donošenja, a njegove izmjene i dopune, odnosno usklađivanje vršit će se u zavisnosti od epidemiološke situacije i preporuka/naredbi nadležnih Kriznih štabova i drugih organa, na način i pod uvjetima kako je i donesen.

DEKAN

Prof. dr. Jasmin Veragic

Dostaviti:

1. Zaposleni Univerziteta u Sarajevu - Elektrotehničkog fakulteta
2. Oglasne ploče (2x)
3. Internet stranica
4. a/a

